

He tirohanga hou ki Te Marautanga o Aotearoa



Ko te tīrewa, he hanganga whakairi

I ngā rā o mua whakamahia ai te tīrewa ki te whakairi, ki te pupuri me te whakaatu, ki te whakamaroke pūweru, kai hoki. Arā noa atu ōna āhua, ōna hanganga, tōna nui, tōna iti rānei.

Kua tīkina atu ko te hanga me te mahi a te tīrewa hei tirohanga hou ki Te Marautanga o Aotearoa, e iri mai ai ngā mahi whakaako, akoako hoki, e taea ai e ngā kura te hanga me te whakaahua hei whakaata i ūrātou ake horopaki.

He whakahoahoa hou i Te Marautanga o Aotearoa

E whakahoahatia ana Te Marautanga o Aotearoa, ki a hāngai ki ngā rā ki tua, hei marautanga taketake. He arataki i te whanaketanga o ngā marau ā-rohe, mā te whakamārama mai i ngā mahi me otī i ngā kura me ngā otinga mā ngā tamariki katoa.

Te Tīrewa

Hei whakahoahoa anō i te marautanga ā-motu, e rua ngā wāhangā o Te Tīrewa Marautanga. Ko te wāhangā tuatahi ko te pou whiti o runga, e whakarārangī ana i ngā whāinga matua, i ngā mātāpono, i ngā rapunga whakaaro me ngā tauākī whakamaunga atu.

Ko te wāhangā tuarua, ko ngā pou o te pito e whakaatu ana i ngā mātāpono e whā o Te Tamaiti Hei Raukura e whakatinana nei i ngā wawata o te whānau, te hapū me te iwi mō ā rātou tamaiti:


He ākonga te tamaiti (a learner)

He tāngata te tamaiti (a person)

He uru whakaheke te tamaiti (a descendant)

He puna kōrero te tamaiti (a communicator)

Mai i aua wāhangā e rua, ko Te Tīrewa Marautanga – te marautanga ā-motu mō ngā whakaoranga reo Māori. He mea tuku Te Tīrewa Marautanga i te anga, i te tūhononga hoki e whanake ai te marautanga, te marau ā-kura, te marau ā-rohe me te marau ā-iwi.



Te Tīrewa Mātai

Ko tā Te Tīrewa Marautanga he whirinaki ki ngā pou o ia pito e tū tika ai, tū kaha ai hoki, e mōhio ai ka tū te tīrewa ahkoā te aha. Kei tēnei whakaahua e whakaatu ana i ngā mahi aro turuki (ā-motu, ā-rohe hoki) – e mōhiotia ka whakamahia ngā pou tū e whā me te pou whiti, hei whakaatu e whakatutukihia ana ngā wawata o te whānau, te hapū me te iwi mō ā rātou tamaiti. Ko te anga aro turuki tēnei, ko Te Tīrewa Mātai.

He Tīrewa Ako

He maha ngā huarahi hei whakamārama i ngā tino akoranga, hei tauira, mā ngā wāhangā ako, ngā whakaaro matua me ngā hanga matua rānei. I roto i te marau ā-motu (e whakahoutia ana) kua kīa he tīrewa, e tohuia ana e ngā pou whiti – Tīrewa Ako. E whakaahua ana te Tīrewa Ako i te whanakaetanga o te ako, e kīa nei ko ngā Tohu Ako.



Kei ia Tohu Ako tōna ake whāinga, te āhua o te whakaatu mai a te ākonga i ōna mōhiotanga me ngā mahi akoako e hāngai ana – he mātauranga matua e kore e taea te tūpono noa ake i te taumata ā-motu, taumata ā-rohe hoki. Mā ngā kura tonu e waihanga, e whakamahi hoki i ā rātou tīrewa ako – hei tauira:

- mā te hāngai ki ngā ara wāhangā ako, mā te whakamahi i te hangarau, te reo Māori, ngā toi, pāngarau, hauora, tikanga ā-iwi, pūtaiao me te reo Pākehā
- te whakawhānui i te aronga mā te whakauru mai i ngā āhuatanga whaiaro me te tuakiri (Toi Tangata), te mōhio ki ngā tahua (Mātau Ahumoni), ngā mōhiotanga me ngā mātauranga ā-rohe (Tikanga ā-hapū), te atawhai i te taiao, (Taiao), i ētahi atu momo mātauranga rānei
- he ranunga rānei o ēnei momo ara e rua, hei tauira, mā te pupuri i te ngako o ngā wāhangā ako (Te Reo Pākehā, Pūtaiao, Hauora, Ngā Toi me te Reo) me ngā uara akoako o ngā mahi Tikanga ā-hapū, Toi Tangata me te Mātau Ahumoni.

Ka taea e ngā kura te kōwhiri i ngā momo ara katoa i ngā wā rerekē o te haerenga whakaako, akoako nei.

